

〔日本書紀^{二十九}〕五年四月辛亥勅諸王諸臣被給封戶之稅者除以西國相易給以東國

〔令集解^{十三}〕天平廿年格云運送封戶租米脚夫公糧者准運官物之夫以正稅稻給糧自今以後永爲

恒例

〔令集解^{十三}〕天平神護元年勅傳頃年以來王臣封戶或緣損田應免調庸者便以餘鄉滿數充給是則徒損官物獨闢私門自今以後諸家食封有損田戶者宜依令條除免不得通計滿給

〔延喜式^{二十六}〕凡神寺諸家封租交易輕貨并舂米送之其舂運功賃亦用租內若家有請受者聽充

〔日本後紀^{十三}〕延曆廿四年十二月壬寅公卿奏議曰○中諸家封租暫停舂米交易輕貨○中許之

〔類聚三代格^八〕太政官符

應以正稅充諸家封租事

右案今年六月十三日詔書令天下無輸今年田租之半然則前件封租亦須除半右大臣宣准實龜例以正稅滿數充之

嘉祥元年十二月廿七日

〔類聚三代格^七〕太政官符

應諸神寺及諸院諸家封戶調庸并雜物停作移返抄改捺印日收事

右得播磨國解僞謹檢太政官去承和十年三月十五日下午民部省符僞得伊勢國解僞謹檢太政官去天長三年五月廿五日下午諸司符僞和泉國解僞進官雜物依期入京至計返抄還多未進何則綱領之貢若缺鎔銖本司之例必拘返抄至乃綱領死亡本司遷代檢據失便終爲未進室家弊於重輸國郡困於再貢吏之與民弊莫大焉望請令檢納諸司錄其見納捺本司印且與返抄者左大臣宣依請凡厥諸國亦同此例而件符未令下知諸社諸寺諸院諸家等因是所納之物因循舊例不與返抄望請依件下知且隨所納之物數令與返抄謹請官裁者右大臣宣依請諸國亦准此例者而頃年違此格旨所納之